

明

史

八

清嘉新同

學

明史

八

〔清〕萬斯同
撰

上海古籍出版社

明史卷三百七十九

忠義傳

忠義四

阮之鈞字實甫桐城人為諸生優才行崇積中有保舉之詔同邑諭德劉若宰以之鈞應授職城知縣十一年正月之鈞未至張獻忠襲陷其城據之以求撫總理熊文燦許之處其衆數萬於四郊居民洶洶欲寬之鈞至盡心調劑民獲少安乃上疏言撤臣辦賊有心受事無地獻忠虎踞邑城其謀巨測所要求之地實兵鈞取道之咽喉秦蜀交會之脈絡今皆為所據而奸民甘心效命用善良悉為迫脅臣守土牧民之官至無土可守無民可牧庫藏殫虛民產被奪更無賦可徵名雖縣官實贅員爾聞今廟堂之上專主撫議臣愚妄謂撫勦二策可合言未可分言致損國威而挫士氣也時不能用賊衆始稍相安然習於為盜後漸出野外行劫之鈞執之以告其營將始猶少寬之法已而大肆之鈞往告皆不應曰官司不給鈞爾得餉自止由是村民徙亡殆盡遂掠及蘭聞稍拒輒挺刃相向日有死者一城大驚監軍食事張大經奉文燦令來鎮撫亦不能禁明年獻忠反形漸萌之鈞往說之曰將軍始所為甚悖今幸得為王臣當從軍

立功垂名於世且不見劉將軍國能乎天子手詔進官厚資金帛此亦誠之效也將軍若疑中朝有異論者之鈞請以百口保於朝何嫌何疑而復懷他志哉獻忠素銜之鈞至是惡言極罵之之鈞憂憤成疾題數語於壁自誓以死遂不視事至五月獻忠果反劫庫縱囚縱其城之鈞即仰藥未絕獻忠遣使索印堅不予賊遂殺之旋縱火焚公署骸骨為燼而大經為賊劫去不能死追瑪瑙山戰敗偕賊將曹威等出降士論觀之之鈞後贈尚寶少卿

鄭景春字和清江都人舉於鄉署鹽城教諭縣令貪虐恆嚴饑民洶洶運亂賴景春撫輯獲解散坐事罷歸起陝西苑馬寺萬安監錄事量移黃州府昭磨攝黃安縣事甫三日群賊掩至堅守八日夜始解去崇禎十一年擢房縣知縣十一月賊寇羅汝才率其黨九營之衆請降於熊文燦文燦受之汝才猶據未決景春匹馬入其營偕汝才及白賁黑雲祥歆血盟汝才乃詣軍門降分其諸營於竹谿保康上津而自與賁雲祥居房縣之野當是時鄖陽諸屬邑屢遭大寇賊郭為壘獨房以景春善拊循召民收保山城租完至是火衆掠處居民惴惴不自保景春憂甚與主簿

朱邦聞守倚楊道選內修守具外輯睦諸營暫護安堵明年五月張獻忠反殺城使使約汝才同反景春子諸生鳴鸞力敵萬夫謂其父曰吾城當賊衝而處卒止二百城何以守乃探甲詣汝才曰若不念香火盟乎毋從亂汝才佯諾鳴鸞知其巨測歸與道選授兵登陴而獻忠所遣前鋒已至擊斬其將上天龍遣使馳城乞援於文燦凡十四往不報已而獻忠騎大至守者見獻忠兵白幟汝才兵亦幟俄白與赤雜環城力攻貴雲祥策馬呼曰但以城讓我不與他也獻忠遂以張大經檄諭降景春怒大罵碎之鳴鸞且守且戰閱五日擊賊多死賊負板穴城城將崩鳴鸞燕油灌之斃又擊傷獻忠左足殺其所受善馬軍民益奮乃用間入賊壘陰識獻忠所卧帳將設計襲擒之指揮張三錫宿與賊通時守北門汝才之舊屯在其外二十九日汝才遣人揚灰而譟曰南城陷矣守者驚潰三錫遂啓門揖汝才入道選巷戰死大經欲景春分其惡使汝才說降怒不答汝才問庫藏儲蓄安在叱曰死賊庫藏有物城豈為汝陷賊怒殺一典史以守倚恐之猶不屈與鳴鸞俱被殺僕陳宜亦死之邦聞及其家人並不屈死事聞贈尚寶少卿建祠奉

祀道選等亦加贈恤已帝召見輔臣賀選聖脩述其死事狀改贈太僕少卿三錫後為官軍所獲磔死武大烈臨潼人舉天啓七年鄉試崇禎十二年授永寧知縣縣有萬安郡王王府人頗恣橫奸人窟穴其中莫敢何問大烈一繩以法流寇時掠境上城守之計甚設明年十二月二十一日李自成自南陽陷宜陽殺知縣唐啓泰遂移兵攻永寧先是邑人張論為四川巡撫罷歸任有司捍禦教却賊論浚子吏部郎陽延繼之亦數有功至是徵囚牛可敷等勾賊都司馮有義素城通大烈偕陽延及其從父順天府治中讚因守三日賊環攻以二十七日夜半登城執大烈自成以同鄉故欲活之大烈不屈索印又不子乃燔灼以死陽延匿晉井免讚及於國學生祚延死之主簿魏國輔教諭任維清守倚王正己百戶孫世英並不屈死萬安王采鋹亦被害賊即移攻偃師城中空虛不能守一日而陷知縣徐日泰大罵不屈為賊脅劉迄死罵不絕聲祿泰掖縣人日泰金縣人並起家鄉舉明年正月賊犯寶豐以十二日陷其城知縣朱由棖死焉未幾陷密縣知縣朱敏汀及在籍太僕卿魏希喬舉人馬體健亦死之由棖益府鎮國將軍常

激子欽汀亦宗室並由貢生欽汀娶張氏一女一孫
及戚獲數人俱死與由械並贈按察使事

來秉衡洛陽人天啓四年舉於鄉未仕崇禎十四年
正月李自成陷洛陽秉衡為賊將劉宗敏所執令其
易服欲官之秉衡不可羈之商郊民舍顧見其友謂
之曰賊勸我以官我義不受辱但恨老母在堂幼子
在襁死不瞑目爾賊聞燒鐵索加其脛終不從遂被
殺并殺其母劉氏妻吳氏及其幼兒與秉衡同時殉
難者有劉芳奕常克念郭顯星韓金聲王明楊萃荀
畏翰諸人芳奕慷慨優智畧與秉衡同舉於鄉為昌
樂知縣有政聲解官歸值歲大歉人相食傾囊濟之
賊氛逼集縣中義士為千城社佐有司保障及悍卒
內叛城忽陷殲死西城戊樓克念舉進士為平陽推
官亮厚簡重政持大体聽斷無冤民至是旋里遂被
難顯星舉於鄉為許州學正遷翰林院待詔未赴抗
節死金聲明皆進士金聲官邯鄲知縣明官行人華
良翰皆舉人華官辰州府知府良翰未仕並以城破
遇害

錢祚徵字錫吉掖縣人崇禎中以乙榜歷官汝州知
州汝為流寇往來孔道土寇又竊據山中祚徵欲先

除之募壯士千人訓練而遣人為好言招撫旦約直
開城門以示之懼寇果不疑祚徵以夜半取間道直
搗其巢寇方縱酒陸博遂大敗令民千家立一大寨
有急鳴鉦輒相救援寇勢衰息其魁魯加勳遂出降
十四年正月李自成驟率眾來寇祚徵揮甲乘城督
眾固守身中流矢恐眾心督厲益力二月四日大
風覆砲炸樓焚城遂陷罵賊而死汝人立廟祀之
張克儉字禹型屯留人崇禎四年進士授輝縣知縣
勤於具職著廉能聲時群盜竄河北以六年二月祀
武安守備曹鳴騶戰死遂祀輝縣克儉棄城固守賊
不能下屯百泉書院三日而去久之入為兵部主事
有薦其才者召對稱古十二年十月擢湖廣按察使
事監鄖襄諸軍督師楊嗣昌鎮襄陽命克儉繕城池
備甲仗儲積糧諸務畢舉嗣昌深倚之明年春張獻
忠敗於瑪瑙山其秋羅汝才敗於豐邑坪賊魁小秦
王混世王過天星等皆降嗣昌處之房竹山中命克
儉安輯諸賊得免死牌莫肯解散自擇便地連營數
百里時河南北大饑流民就食襄漢者日數萬降卒
因之多闖入克儉深憂之上書嗣昌曰襄陽自古要
區本朝亮鑄獻陵祚昔尤重近而河饑民雲集彭舊

降丁逼處其間一夫叫呼即足致亂况秦兵以張武之變西歸耶房軍府粗立降營基置奚啻放虎自衛紫漢西興初無重門之倚何恃而不恐嗣昌不以爲意報曰昔高仁厚六日降賊百萬迄擒并能監軍何怯耶及嗣昌入蜀委克儉以留務九月錄破賊功加右叅議監軍如故未幾以本官移守下川南道鄖陽巡撫索繼威奏留之十四年二月擢右僉都御史巡撫河南未聞命獻忠假督府軍符賺襄陽城克儉不能辦賊遂入夜分賊從中起肆殺掠焚襄王府克儉倉皇奔救爲賊所執大罵死襄陽推官鄭曰廣攝襄陽縣事李大覺游擊黎民安死焉曰廣番禺人崇禎十年進士居官有節操奉檄按軍儲於荊州甫還任而難作急勒吏卒登城捍禦中刃死妻妾及二子二女俱遇害大覺字覺之全谿人由鄉舉知縣城兼署襄陽縣聞變繫印於肘臨死堂上民安大覺全縣人城中火起率所部千餘人搏戰矢盡被縛抗罵死獨知府王承曾遁免初獻忠敗於瑪瑙山其妻教氏高氏被獲他將搜山又獲其軍師潘獨鰲皆繫襄陽獄承曾年少輕挑悅獻忠二妻邑每夕託問賊中情形與之笑語獄吏又多納賊金禁防盡弛獨鰲等得以脫

桎梏忽宴飲爲樂嗣昌以獻忠飄忽殺戮我之味曹笑曰是詎能飛至耶及是獨鰲果從獄中起承曾率衆奪門走事聞命遽治承曾妻邑人時河南亦大亂久遠不至未知所終
盛以恒瑩閩衛人崇禎十年由乙榜爲商城知縣視事月餘流氓寇突至禦却之自是拮据戎備力爲保障明年張獻忠陷襄陽鄰境震懼時以恒已遷開封府同知將行士民邀之共守乃晝夜乘城與里居耆紳楊所修洪胤衡馬剛中段增輝微偪不懈無何賊衆掩至適雨雪守陴者凍餒不能戰以恒擐甲執弓督家衆射賊計七人墜馬賊怒併力合攻矢中右額以恒猶衆瘡拒敵賊俄登北城家衆巷戰死且盡乃破執罵賊不屈爲賊支解孫覺及典史呂維顯教諭曹維積皆遇害時二月二十有八日也稍衛萬曆中舉進士歷官陽和兵備副使分守北門力戰被難剛中字九如父之圖吏部郎中剛中舉崇禎七年進士授大同知縣有政聲行取入都天子臨軒策試授翰林檢討乞假歸城將陷或勸其出避毅然曰吾家世受國恩可臨難苟免耶幸而全國之福不然惟與同盡爾及賊入大罵被磔死增輝字含素爲諸生以學行

稱朝廷下保舉之令有以增輝薦者增輝不樂為吏擬除教授未謁遂遇變亦罵賊死所修自有傳賊既陷商城即疾驅犯信陽有奸人為內應城即陷知州高孝誌訓導李達旭程所聞鄉紳張映宿死之其陷光山也典史魏光遠亦死之映宿舉進士官靜海知縣罷歸至是及於難事聞所司請贈以恒光祿少卿孝誌太僕少卿未報十五年七月帝下詔曰北州縣有司不設守備賊至即陷原與銜鋒陷陣持久力壯者殊科若槩援天啓間例優予贈賡何由旌勸勞臣自今五品以下止贈監司四品及方面始贈京卿著為令乃贈以恒河南按察司副使孝誌布政司右叅議維顯等贈恤有差先是天啓中州縣長吏殉難者率贈京卿賡錦衣世職賜祭葬有司建祠崇禎初改廢國子生俾之出仕贈京卿猶如故至是始改贈外僚云

徐世淳字中明嘉興人侍郎必達子也崇禎中由鄉舉署永嘉教諭擢重慶府推官禁誅求省厨傳惠政及民常監軍討資簡諸寇道路往還民皆安堵十三年遷隨州知州隨破壞之餘民氣蕭索世淳以十月蒞任知寇必獲至集士民誓於闕社修祠要以勵守

縣城濬濠拓羊馬埭具砲石練壯士卹饑寒平糶價會歲大荒士多就食粥厥嘆曰可使士以饑故失禮乎分粟賑之士皆感悅潰兵過隨索餉勢甚洶洶世淳授兵登陴而已單騎入其營執帥手曰軍食不供有司罪也殺我足矣諸械我以見督師帥氣奪飲衆去明年二月張獻忠陷襄陽三月遂來犯世淳寢食南城樓樓晚夜督衆固守而使使告急於巡撫巡撫宋一鶴遣兵來援監司守承天者勒之自助援絕力窮四月二十五日賊急攻南城潛兵隳北城以入世淳命子肇探埋印屨後東墻下而勒馬巷戰矢貫頤耳鼻橫斷遂墜馬為亂刃砍死肇探奔赴且哭且罵賊將殺之疾呼州人告以埋印處乃死世淳妾趙氏王氏及戚獲十八人皆死而趙氏死尤烈當事上其狀贈太僕少卿建祠以肇探附隨自十年正月被陷知州王肅殉難及是再陷至七月復陷判官余瑞死焉三陷之後城中幾無孑遺閭井為墟

顏日愉字陽華上虞人萬曆中舉於鄉崇禎初除葉縣知縣有惠政而不為上官所喜劾罷之部民詣闕訟寃者數百人乃獲叙用後為靜寧知州救獲賢士政務便民會擁賊作亂馳請固鎮五道兵合剿而先

率敢死士數人招諭之賊始倭遂遣精卒直搗其營賊倉皇失措潰敗斬首數百級黎明遁道兵繼至獲大破之還聞封府同知曹攝澠池滎陽二縣事荒殘之餘撫恤瘠瘵政績甚著滎陽為立生祠上官以南陽要衝會舉日愉為知府至則繕甲製器治城濠備殃播簡壯士人心稍固十四年正月李自成陷洛陽二月張獻忠陷襄陽南陽震恐日愉防禦益嚴五月七日漏未盡賊果至即令百數十人冒雨登城日愉督將士奮擊士民群助之殺賊上賊幾盡餘賊遂引退城獲全而日愉手中一矢頭項被二刃遂墮於城頭聞城莫不哀悼贈太僕寺卿賊既不得志於南陽遂縱兵掠旁近州縣九月大破傅宗龍軍於項城勢益張以十一月再圍南陽攻陷之唐王被難總兵官猛如虎劉光祚恭議文瓚初死馬瓚初字孩如米脂人戶部侍郎希淳曾孫也舉崇禎四年進士授內鄉知縣瓚初生長邊陲知兵習戰六年冬流寇來犯瓚初集衆固守埋大砲名滾地龍者於城外而城中引線燃之砲發賊死無算遂解去內鄉與鄰邑浙川多深山遠谷群盜窟穴其中居民懷慄自瓚初蒞任一縣恃以少安明年冬唐王韋鍾上言凡官司詣觀王新封

郡早晚必謁先祖制也今臣封內如瓚初及御鼎相栢鎮平諸長吏但謁監司郡守不謁親王蒞棄祖制帝怒逮瓚初等下法司而勅禮官重申典制禮部侍郎陳子壯疏救不聽已而王被譴廷臣多知瓚初才獲補官累遷至右叅議分守南陽日愉之却賊瓚初亦有功至是自成用宋獻策計欲取南陽以圖閩中復率大衆來寇瓚初偕如虎光祚等分門堅守賊已攻入南門會總督楊文岳援軍至賊即引退又文岳兵去賊復圍攻之食盡援絕瓚初題詩城樓遂自縊南陽知縣姚運熙主簿門迎恩訓導楊氣開亦死之明年十月自成再陷南陽知府丘繼素罵賊不屈聞門被害

潘弘字若稚淮安山陽人由貢生歷定遠訓導海門教諭崇禎十三年遷舞陽知縣時流寇披猖土寇亦乘間竊發弘偕武將討擊屢敗之明年十一月季自成羅汝才既陷南陽遂縱兵覆所屬州縣於是舞陽及鄧州鎮平內鄉泌陽新野皆失守弘知魁至諭士民共拒諸生景長舒等慮賊屠城請弘委曲紓禍弘叱曰吾為守土吏當與土存亡寧能降賊求活耶賊薄城發砲擊之多斃有小校善射發必命中賊將却

而諸生潛遣人約降賊復至弘作告先聖文自誓必死諸生乃開門納賊轉弘以獻賊索印脅降弘怒罵不屈賊射斷其手足解以死子澄瀾痛憤號哭投井死先教日鄧州陷知州劉振世吏目李國璽死之千戶余承庵李錫諸生丁統張五美王鍾王子章海寬傅彥亦死焉鎮平知縣鍾其碩成縣人城陷被繫罵賊死南昌龔新知內鄉四川韓醇知新野並不屈死臨晉姚昌祚代王士昌知泌陽甫教月遷變手執數賊力屈死典史雷晉還率捕卒禦賊力戰死先是十年二月土寇合張獻忠犯鄧州知州孫澤盛偕同知薛應齡督兵出戰死之是年五月獻忠破信陽獲左良玉軍旗幟假之以趨泌陽以初六月夜抵城下乘天大雨攀堞而登知縣王士昌懷印端坐賊至被縛謾罵死至是鄧州泌陽凡再陷云士昌雲南寧州人起家鄉舉

陳預抱壽陽人母段氏早寡撫預抱及其弟預養預懷皆為諸生三子亦力田好學善承母志崇禎十四年流寇陷壽陽其母先赴井三子從之預抱婦黃氏攜其子默通預養婦馬氏攜其子默恒默言亦從之三十九人一時盡節天下多之時內鄉許宣及弟

案宮皆諸生慷慨好義賊陷鄧州宣兄弟結里黨壯士直入其城擒偽官堅守許家寨賊怒攻破之寨從母常氏先投井死宣與宮皆署賊被殺宮妻鍾氏寨妻陳氏並自經其妹亦署賊被殺時稱許氏七烈賊之攻偃師也諸生張銳粹父子佐有司城守及賊入城大罵被害賊并害其一子妻蘭氏與三女二孫悉赴井死武同芳者亦偃師諸生賊殺其母同芳噴血大詬支解而死其同邑諸生劉芳名劉芳世蘭捉粹擊賊不勝死喬于昆投水死蘭完贊王光顯喬國屏王邦紀蘭相喬張一鷺張一鵬牛一元皆罵賊死芳名完贊妻皆張氏與邦紀妻高氏並從死一鷺一鵬之父亦罵賊死諸生許曰琮者唐縣人早喪父及母殺廬墓三載城破遁居南山賊微之不出符以死終不屈錮其背曰誓不從賊遂嘔血而卒其他州縣諸生遭寇殉義者不可勝志姑志其最著者數人云劉振之字而強慈谿人性剛方敦學行以名教自持鄉人莫不嚴重之崇禎三年舉於鄉署東陽教諭力崇師道東修之饋無所入為一時學官稱首用薦遷鄢陵知縣政務利民威愛兼濟時將領驕恣有過鄢陵索餉者振之不應其人怒令部卒縛之去父獲時

號奔救欽實以嫡姪歸十四年十二月李自成陷許州殺知州王應翼自許以南無堅城有奸人素通賊倡言城小不可守宜速降振之怒厲聲叱退之集吏民守禦無何賊大至城陷振之走謁先師秉笏端坐堂上賊索印不予縛置雪中三日夜振之罵不絕口賊亂刃交下乃死初振之書一小簡藏之篋中每歲元旦取視輒加紙封其上及是家人發篋乃不貪財不好色不畏死三語也其立志堅定如此贈光祿寺丞有典史杜邦舉者富平人方振之之叱奸人也邦舉即曰公言是城存與存城亡與亡人臣大義豈可偷生以辱祖宗哉乃與振之協力拒守及許州被屠衆心益懼有鮑城遁者邦舉捕得立斬之衆為股栗城既陷被執自成欲降之大罵曰朝廷臣子豈為賊用自成怒抉其舌邦舉唾血噴之仍大罵遂與振之並遇害時開封屬城多陷其全時殉難者有賈曹誅魏令望崇薦種揚一鵬劉孔暉王化行姚文衡諸人曹誅銘山人少師宏之裔也由鄉舉知道許蒞官歲四旬賊猝至曹誅欲守念力弱乃召其父老告之曰我死若輩以城降可免屠戮端笏北面再拜抱印投井死令望字子野武鄉人舉進士授商丘知縣嗣

太康賊至固守不下賊怒攻破之屠其城令望聞門自焚死薦種江山人由鄉舉知涇川賊陷其城大罵死一鵬河津人天性孝友崇禎九年舉於鄉為尉氏知縣惠民愛士甫數月政聲四起賊至堅守及力屈城破罵賊死孔暉邵陽人舉天啓九年鄉試為新鄭知縣大魁臨城固守不能支遂死之士民祀之子產祠化行知商水城陷被殺代者姚文衡蒞任數月賊復至搗印赴井死李秉雲高陽人舉於鄉崇禎中授浮山知縣廉毅有為流賊數萬來寇秉雲一矢斃其魁衆遂遁迨累遷山西按察僉事十四年七月以才調河南大梁道駐禹州時歲祲饑益以寇盜四野蕭然秉雲撫輯盡力其年十二月李自成連陷鄆陵陳留諸縣遂寇禹州秉雲大集士民激以忠義誓死固守賊多斃於砲以十萬騎果益攀堞而登秉雲被執押使跪叱曰我堂堂監司肯屈膝於賊即怒碎而杖之大罵不絕聲賊縛諸樹攢射之罵不已斷其舌亂刃交下而死贈光祿寺卿州先有徽王府嘉靖時王載瑜有罪爵絕至是延津等五郡王並被難同時任棟永壽人由貢生為萊州府通判崇禎四年二月李九成耿仲明等陷登

州遂乘勢來攻棟佐知府朱萬年拮据守具深著勞績已而萬年與巡撫謝璉出城撫賊為賊所執城中益危棟偕同知寇化掖縣知縣洪恩昭助大帥楊和蕃拒守勞績益著至八月圍始解論功進秩賜金累遷保定監軍倉事十四年從總督楊文岳南征有鳴皋鎮之捷尋與總兵虎大威破賊於平峪七月再破賊於鄆州明年正月從解開封之圍二月戰於鄆城大捷後從援開封會左良王大潰於朱仙鎮賊來追棟與副將姜名武力戰並沒於陣有余爵者禹州人崇禎元年進士授撫寧知縣果敢有吏才為巡撫楊嗣昌所知以憂去起官章丘入為兵部職方主事罷歸嗣昌出督師奏請以故官叅謀軍事爵至嗣昌甚倚之軍務多與籌畫嗣昌入蜀命與張克儉全守襄陽及城陷爵脫走嗣昌沒從督師丁啓睿於河南鄆州之捷爵與有功十五年開封圍急爵監左良玉軍往援戰敗被執罵賊死乘雲贈光祿卿棟太僕卿爵太僕少卿

閔永傑字人孟華昌衛人世官百戶至永傑好讀書每遇忠義事輒書之於壁狀貌奇偉酷類世俗所繪閔壯繆像崇禎四年會試入都與儕輩遊壯繆祠有

述士前請姓氏東問故曰昨夢神告吾後人當有登第者將來必繼我忠義可語之永傑愕然頗自喜已果得第為開封府推官強直不阿攝府事與利去惠無微不晰民畏愛之以憂歸起官紹興入為武選主事督師楊嗣昌薦其才請用之軍前乃擢陳兵備倉事駐陳州陳故賊衝歲被蹂躪永傑至日為微倚常如賊至及賊漸逼遣其妻陳氏歸妻願俱死永傑曰我死分也妻子為保可乎我子猶幼汝歸為我養子續先人祀我無憾矣妻乃訣去十五年二月李自成以數十萬眾來攻永傑與知州侯君擢卿薦紳崔泌之等率士民分堞死守賊遣死說降斬其頭懸之城上賊怒攻破之永傑格殺數賊身中數刃大罵而死君擢字際明成安人起家乙榜城圍時身先士卒運木石擊賊濠皆滿後被縛罵不絕口死泌之鹿邑人家陳州舉進士授雒縣知縣調清苑性豪宕不羈在官多所建著崇禎初前知清苑者黃宗昌入為御史常疏劾周延儒延儒囑保定知府史躬盛接其遺事躬盛以屬泌之泌之曰可敬人以媚人乎躬盛怒時泌之已遷戶部主事躬盛謂其侵隱錢穀三萬不聽行會御史行部至泌之突前與躬盛角御史以聞

獄達戍久之釋還至是遭變用缺杖斃賊數人自刎
死舉人王受爵亦奮勇擊殺賊大罵死有藝作梅
者年十七父母俱亡殯於舍賊入火民居作梅跪柩
前焚死久之贈永傑光祿寺卿君擢布政司右叅議
必之獲故官受爵宛平知縣

張維世太康人萬曆四十四年進士歷官平陽知府
公正廉潔大得民和絳州有惡黨數十人晝寢之法
署內舊蓄荷池注以樊家河水維世曰得毋妨民灌
溉耶即止之就遷按察副使分巡其地崇禎九年五
月累官右僉都御史代陳新甲巡撫宣府七月

大清兵越天壽山入昌平山後地為宣府所轄維世
視事甫旬日竟坐失防削籍遣戍己而釋還十五年
二月李自成既陷睢州遷犯太康維世佐知縣觀令
望竭力拒守賊勢盛城遂陷抗節而死時中州地失
亡最多其縉紳死難者亦多有十三年登封土寇李
際遇因戲饑倡亂旬日間聚眾數萬肆行劫掠前鳳
陽府通判姚若時致仕居曹莊村賊來犯被執誘之
降大罵而死族諸生不顯亦死之若時子諸生城思
報父仇教諸兵討賊賊執之於路亦抗罵被殺陝州
趙良棟仕為蓬萊教諭罷歸寓居浥池寇陷浥城父

孫孫身罵賊死其媳若孫亦赴井以殉陝州之陷前
平定知州梁可棟居憂在籍亦大罵而死仝里蕭大
成以淮安府同知家居投井死繼陷商水前臨汾知縣
張贊抗賊死其陷西平也前懷仁知縣楊士英死之
子婦王氏從死息縣陷賊召前項城教諭王多福欲
官之堅拒不赴賊逼之投繯而死洛陽阮泰仕為廣
靈知縣解職歸十七年聞北都之變不食死妻朱氏
從之楊汝經睢州人崇禎十年進士授戶部主事著
廉能聲擢井裡兵備僉事十七年正月朝中聞甘肅
陷巡撫林瑞日殉難起拜汝經右僉都御史代之行
次林縣聞都城亦陷將赴南京至東明率壯士百餘
騎還討林縣偽官抵屯子遇賊戰敗執至林縣偽官
釋其縛說之降不從又遣一縉紳來說汝經正色責
之其人慚嘆偽官斃之獄

王世琇字崑良保定人崇禎十年進士授歸德府推
官遷工部主事十五年二月李自成既陷陳州遷乘
勝犯歸德歸德素不置兵世琇時已辦裝將行僚屬
邀與共守慨然曰人臣義不辭難久官其地臨難而
去是非誼也遂與同知顏則孔經歷徐一源商丘知
縣梁以權教諭襄世英里居尚書周士模等誓眾堅

守賊城固北日總督侯家商立其子舉入方要平
家聚斬國出奔殺傷守者數十人衆遂亂賊乘之以
入世瑋則孔軍遇害則孔女聞之即自縊一源分守
北城殺賊最多城陷督衆巷戰罵賊死以樟中賊
刃戈而獲妻張氏及子女僕從皆死世英見賊入
持刀罵賊死於明倫堂妻石氏亦自刎一時全死者
工部郎中沈試主事朱國慶文華殿中書侯忻廣西
知府沈仔威縣知縣張儒及舉人徐作霖吳伯季周
古美等六人官生沈倌侯峻等三人貢生侯恒沈誠
周壯貴等八人國學生侯傑沈洞等四人諸生吳伯裔
張渭劉伯愚等一百十餘人作霖伯裔伯裔渭伯愚
皆郡中名士尤有聲則孔沂州人一派海鹽人世英
祥符人士僕自有傳賊既陷歸德尋陷鹿邑知縣紀
懋勛死之又陷虞城署縣事主簿孔亮亦死焉
許永禧曲沃人崇禎十三年由舉人爲上蔡知縣多
惠政性耿介不以頻焚假人十五年春李自成將果
犯先遣數騎抵城下脅降永禧即督吏民憑城拒守
賊大呼曰今日不迎降明日即屠爾城衆懼以告永
禧漢曰賊勢被揭裨尤邑豈能自保吾惟一死盡職
而死衆皆泣明日賊果大至守者禦潰衆禧具袍笏

北面再拜據案秉燭端坐頃賊入遂自刎全時高
斗垣繫時人崇禎十二年由恩貢生除西平知縣爲
人孤鯁以清慎得民十五年二月流寇陷城被執不
屈死劉葉貴州人由貢生崇禎十三年爲遂平知縣
十五年賊果攻城葉誓衆死守已而城陷罵賊死有
宿黨者膠州人由任子爲汝寧府通判上蔡既陷往
署其縣事城中民舍盡燬葉廣招流亡衆觀望不敢
大會左良玉駐城而其兵滋掠無虛日衆始入城依
葉村民遭難衆懇葉即入良玉營責以大義奪還之
民獲完家室者甚多悍卒或方刃相向葉即袒腹當
之卒亦不敢害是年冬汝寧陷賊黨賀一龍掠地上
蔡訛傳土寇剽劫葉出禦之陷陣死士民莫不哀悼
李貞佐字無欲安邑人早有志操受業同里曹于汴
之門以學行著天啓七年舉於鄉崇禎中除郟縣知
縣初土寇楊同錦聚衆作亂謀攻城有奸人爲內應
賊即入大肆焚掠而據城乞撫總兵官王紀禹副將
劉國能率師來討同錦中矢幾斃會監司魏公韓撤
汝州吏目顧王家受賊降二將之兵遂罷未幾公韓
去巡撫李仙風令開封趙同知察狀同知納其厚賕
力言賊忠款可用縣授都司守備者至三十餘人排

衣黃蓋縱橫道途而劫掠如故知縣邵子灼不能禁里屠通判李之倫密陳其狀仙風以詰同知同知懼即令賊掩殺之倫十四年二月李自成來寇同知錦郊迎言顧守郟當一面俟取開封即納土自成怒殺之并殺可灼而去貞佐以是年四月蒞任同錦餘黨猶聚焦家寨貞佐簡練鄉兵括賊財以充餉雖軍事旁午時出巡郊旁耕者以酒食月必課士語之曰四民獲業乃太平之象士為四民首講誦不暇為衆人倡不亦可乎邑有姊妹二人抗賊死為拜其塚祀以少牢鄉民王錫引有孝行造其廬而禮之郟教被寇民奮然不樂生貞佐以太平之治治之士民胥悅明年二月自成復來寇貞佐集衆死守顧王家者仁和人既撫賊秩滿當遷汝人以其才言於上官留之至是亦在城中助貞佐守禦甚力賊勢盛城竟陷貞佐走拜其母曰兒不忠不孝陷母至此罪通於天有勸微服遁者曰偷生苟活安施顏面賊執之去大罵見賊殺人罵聲曰驅百姓困守者我也安殺何為賊割其舌支解而死母喬氏亦死友人王呈相隨不去賊義之呈收葬於郟南郟每歲寒食鄉人傾邑祭奠賡其塚至二畝餘贈河南按察僉事王家亦大贊祀賊賊

亂刃砍死賊盡戮鄉人王家子國誘賊至提墓間發藏食用品石力擊賊碎其體而死汝州所轄凡四縣寶豐魯山二特選隔其令張人龍楊呈芳亦以節著人龍遷化人賊隔寶豐不屈死妻年少家奴四人敬亂之妻飲以酒俾極歡而潛遁却告丞尉勒兵捕殺之乃扶視旋里呈芳山海衛人知魯山操字有恩練總詹思鸞潛結黨衆與進士宗麟祥諸生袁熊瑞等謀不軌呈芳捕斬之至是城陷死馬有孔貞璞者曲阜人知伊陽縣賊薄城以守禦堅解圍去他日有事汝陽道遇賊被執亦不屈死

周小曆陳心學皆郟縣人心學銓授知縣不謁選而歸小曆舉崇禎三年鄉試知內黃以父喪旋里十五年李自成陷郟縣執心學欲官之不從被殺更問小曆如何曰吾以母老在此若欲仕何故里居自成曰汝不願仕何以官內黃曰爾時父在母未老也令母老多疾安得舍之而官自成曰既不願仕為我執縣官果肯代汝死曰賊入以利己仁者不為也自成怒遂殺之有李得筭者寶豐舉人城陷得筭短衣雜衆中為賊小校所執徙徙煤棧賊時以牛金星為謀主金星常舉於鄉勸賊重用舉人故賊所至即搜求舉人

官之或勸得苟有言不聽賊役使之不從伺賊寨將刺殺之其婦大聲呼賊覺乃被殺有語賊者曰此舉人也賊懼得罪棄其屍莫知處所扶溝劉恩澤亦舉人慷慨能任事嘗以策干當道多見納用十四年十月賊逼扶溝衆議城守而縣令駭不解事恩澤座中亟起痛哭曰吾不幸從汝曹木偶以死自題樓壁曰千古綱常事男兒肯讓人明日城陷墮樓而死時舉人畫節者有南陽張鳳翔王明物洛陽張氏表采城夏云醇商城余容善光州王者瑄光山胡植嵩縣王翼明並以罵賊被難云

何燮字中理晉江人舉於鄉歷知靈山桂東二縣崇禎中為亳州知州州自八年以後流寇土寇交橫益以饑饉居民死徙過半燮至盡心拊循經營戰守具甚脩未幾山東河南土寇迭至燮勒兵戰於盧家廟衆爭奮生擒賊魁李忠常顯吾戮之剗其脇以示衆餘賊潰散撫降李龍等數千人十五年二月李自成隔河南諸州縣遠近震恐居民盡室而避城中空虛不能守遂陷賊執燮欲降之漫罵不屈賊斷其足剗其胸而死懸首市上三日耳鼻猶動衆相顧駭愕賊遂縱兵四出霍丘霍壁舒昭皆陷先是八年春賊已

陷霍丘至是再陷知縣左相申率衛兵巷戰力屈被執死之巡簡吳姓者格鬪死霍壁知縣唐良銳全州人由乙榜入仕賊至城守力不支城陷抗罵死奸賄犯已被陷至是賊再來寇士民悉走主簿胡淵獨效死不去或言君非正官盍避諸淵正色曰吾亦守土吏可偷生耶縣故無城持戰至龜山寺與賊力鬪殲數人賊駭異殺適會馬蹶被執奮罵而死淵永年人赴家貢生

趙興基雲南太和人舉於鄉崇禎中為廬州府通判先是賊賀一龍左金王等五大都分據英霍二山鈔掠遠近署作而入秋高而出歲以為常山城長吏掣其印視事舟中或濱江湖渚邑居聚落荒梗無行人督師楊嗣昌常遣監軍食事楊卒然招之受侮而返至是李自成張獻忠大亂中原一龍等遙相響應勢益張以十四年六月襲陷英山縣知縣高在崙抗賊死十二月陷潛山知縣李孚嘉典史沈所安遠督賊村中奸民惡其苛急謀賊執之二人並不屈死所安之子亦死焉十五年獻忠為左良玉所敗走合於諸部遂以三月攻舒城踰月城陷改為得勝州提之遣其黨分掠旁邑游騎日抵廬州城下興基與知府鄭

履祥經歷鄭元綬合肥知縣潘澤貽指揮同知趙之璣在籍雲南右叅政程楷分門而守監司蔡如衡貪吏民不附賊謀者滿城中亦不知五月提學御史徐之垣以試士至獻忠遺其下偽為諸生囊書挾筆襲傷衣冠以入場三下賊從中起城上舉砲應之城中大擾之垣如箭及履祥登堦並進城走與基時守水西門聞變挺刃下成樓與賊格鬪斬數人被刺死元綬楷共守南薰門元綬力關砲楷不屈死之璣分守東門巷戰死賊乘勢連陷含山巢縣廬江及無為六安二州又陷太湖知縣楊春芳典史陳知訓教諭沈鴻起訓導姜懋履並死馬廬州城池高深八年春賊百方力攻知府吳大樸迄堅守不下後屢犯終不得志至是以計得之履祥登賞懼罪委之與基總督史可法按問諸生胡求化毅然曰失城者守令非別罵也因其死而誣之何以慰忠魂且何以勵生者求化與別罵生死異途無所要結可法義之降階長揖以其言上聞乃治兩人罪而贈與基河南按察僉事楷光祿寺卿元綬亦獲贈恤方賊之攻舒城也縣令適以憂去在籍編修胡守恒與遊擊孔建訓督民兵共守守恒家富而為人貪吝鄉里怨之至是鉤之建訓

及士民稱貸再三堅拒求應兵民皆怨會建訓縱所部淫掠士民逐之遂叛降於賊賊力攻城將陷悍卒疾守恒者刺刃其腹而死朝中不知以為殉難也起贈少詹事諡文節

夏統春字元文桐城人為諸生慷慨有才志以翰貴入國學用保舉授黃陂縣丞常攝黃安黃梅二縣事並著廉能聲十五年賊犯黃陂統春已遷涪州判官未赴乃督眾乘城拒守凡十五晝夜賊忽解去統春既於眾曰此懈我也不可忽然眾已疲極歸休於家聞五日賊果突至城遂陷統春猶巷戰力竭被執賊欲屈而用之統春指其魁大罵賊怒斷其右手指復以左手指賊罵賊又斷之罵不已乃割其舌別其目猶以頭觸賊遂支解之有薛聞禮者武進人初為府吏善於其職上下交稱之後官黃陂典史值歲歉民遭漕粟聞禮奉使過漢口貸於所知得千金以代民逋十六年張獻忠陷黃陂愛聞禮才欲重用之挾與俱去募即亡歸賊設偽官士民競起殺之聞禮曰禍大矣今之遠避而已獨留以當之賊賊至將屠城聞禮挺身曰殺官者我也士民無預請殺我賊猶欲活之聞禮罵不止乃寔殺當是時賊延黃仲原履名賊不可

勝數然迄無降賊者其以小吏死難有何宗孔賈佛秀張連鄰瑞日諸人宗孔官紫陽典史十一年五月流寇再陷其城死之儒秀官商南典史賊陷城抗節而死連為典史典史十四年二月張獻忠自蜀來攻都司徐日曜戰沒連被縛罵賊不屈支解死瑞日陝西人為周始朱華鎮巡簡勇敢負氣節羅山為賊所隔止官令瑞日攝其縣事乃單騎攜二童以往至則止於僧寺將招流移為守禦計未逾月賊遣偽官至土寇萬朝勛與之合誘執瑞日說之降不從拘留其家一日朝勛置酒宴群賊酣醉而日瑞日潛入其室殺之將奔鳳陽為大雨所阻復見繫賊愛其勇欲留之叱曰我雖小吏亦朝廷臣子肯為賊用耶遂被殺二僕亦死有朱耀者固始人與父允義二兄炳思咸並以勇力聞八年賊來犯耀父子力戰却之明年賊復至耀出戰手執賊數十級進之陷伏中為賊所獲大罵死允義曰我必報子警炳謂思成曰我二人必報子警三人率眾奮擊賊解去城獲全

魯世任字規尹垣曲人性端方事親孝聞安邑曹子忬倡道其鄉從之受業又與絳州辛全交學日有聞乃撰問途贊自奮盟二篇矢志寬賊天啟末解於鄉

崇禎十年為鄭州知州善政大著建天中書院集士子講肄其中遠近聞風樂從者幾千人十三年秋給事中范士髦薦世任及臨城諸生喬己百內丘故太原通判喬中和於朝稱為德行醇儒堪繼薛瑄陳獻章之後乞召試平臺置之左右倚顧問時不能用十五年流寇來犯親勅民兵禦之河干眾寡不敵力戰敗績自刎死士民聞之奔走哀號肖像祀之天中書院其年正月賊陷襄城總督汪喬年死之知縣曹思正被殺典史趙鳳牙拒敵死訓導張信罵賊不屈遇害求幾陷西華知縣劉伯驤懷印投井死明年汜水陷知縣周騰蛟亦死馬伯驤河間人由歲貢生入仕平刑輕役興學重農得士民心賊信急遣妻奉母還家為防禦計及賊薄城有勸出降者立刃之登碑死守賊驅其下為十覆迭進環攻城遂陷伯驤死之士民立廟以祀騰蛟香河人起家乙榜時頻歲寇警加以西札民不聊生騰蛟撫字有術以其間釐定徭役每里均為二百四十頃甲均為二十四頃民甚便之城孤懸河畔縣人吳邦清等於城南立七砦相犄角中摩夫砦為最險土寇李際遇伺騰蛟往河北急攻被摩夫砦據之遂攻縣城且沿河設守阻遏援軍騰